

Ա Ռ Ա Ր Կ Ո Ւ Թ Յ Ո Ւ Ն Ն Ե Ր

ՀՀ ՇԻՐԱԿԻ ՄԱՐԶԻ ԱՐԹԻԿ ԶԱՄԱՅՆՔԻ ԱՎԱԳԱՆՈՒ 2021 ԹՎԱԿԱՆԻ ՀՈՒԼԻՍԻ 1-Ի ԹԻՎ
ԹԻՎ 52-Ն-56-Ն ԵՎ 56-Ա ՈՐՈՇՈՒՄՆԵՐԻ ՎԵՐԱԲԵՐՅԱԼ

Թիվ 52-Ն-55-Ն որոշումները նորմատիվ բնույթի դրույթներ չեն պարունակում:
Համաձայն «Նորմատիվ իրավական ակտերի մասին» ՀՀ օրենքի 19-րդ հոդվածի 2-րդ մասի՝
«Ն» (նորմատիվ) տառով նշում կատարելու անհրաժեշտություն չկա:

Թիվ 55-Ն որոշմանը կից ներկայացված հողային ֆոնդի հաշվետվության ձևի վերևի աջ
անկյունում անհրաժեշտ է նշել «Հավելված Հայաստանի Հանրապետության Շիրակի մարզի
Արթիկ համայնքի ավագանու 2021 թվականի հուլիսի 1-ի թիվ 55-Ն որոշման» գրառումը:
Բացի այդ, որոշմամբ հաստատված համայնքի հողային ֆոնդի հաշվետվության թվային
տվյալները չեն համապատասխանում ՀՀ անշարժ գույքի կադաստրի կոմիտեի հետ
համաձայնեցված թվային տվյալներին /կցվում է ճշգրտված թվային տվյալները/:

Թիվ թիվ 56-Ա և 56-Ն որոշումները նույնաբովանդակ են և պարունակում են նույն
խմաստներով դրույթներ:

Թիվ 56-Ա որոշումը չի համապատասխանում «Նորմատիվ իրավական ակտերի մասին»
ՀՀ օրենքի 34-րդ հոդվածի 2-րդ մասի պահանջին, համաձայն որի՝ նորմատիվ իրավական
ակտում փոփոխություն կամ լրացում կարող է կատարվել միայն նույն տեսակի և բնույթի
նորմատիվ իրավական ակտով:

Թիվ 56-Ն որոշման մեջ չեն պահպանվել «Նորմատիվ իրավական ակտերի մասին» ՀՀ
օրենքի 17-րդ հոդվածի 8-րդ մասի (հղում կատարելիս նորմատիվ իրավական ակտի լրիվ
անվանումը հիշատակվում է նորմատիվ իրավական ակտում փոփոխություններ կամ
լրացումներ նախատեսող կամ նորմատիվ իրավական ակտի գործողությունը դադարեցնող
ակտում) և 18-րդ հոդվածի 6-րդ մասի (ենթաօրենսդրական նորմատիվ իրավական ակտի
կրճատ անվանումը հիշատակելիս դրանում հետևյալ հաջորդականությամբ ներառվում են
այդ ակտն ընդունող մարմնի անվանումը, ընդունման տարին, ամիսը, ամսաթիվը, ակտի
հերթական համարը, բնույթը և տեսակը) պահանջները:

Կատարող՝ Նաիրա Մարտիրոսյան
06.08.2021թ.